



## Universitätsbibliothek Paderborn

**Johannis Meyeri S. Literarum Doct. & Prof. Uxor  
Christiana Sive De Conjugio Inter Duos Deque Incestu Et  
Divortiis, Dissertationes Tres**

**Meier, Johannes**

**Amstelædami, 1688**

Cap. III. Probari nequit Polygamia ex mandato & benedictione divina  
Noacho repetita Gen. VIII. 15. 16. 17. IX. 1. atque exemplis Pharaonis &  
Ægyptiorum Gen. XII. Abimelechi ac Philistinorum Gen. XX.

**urn:nbn:de:hbz:466:1-40272**

## CAPUT III.

*Probari nequit Polygamia ex mandato & benedictione divina Noacho  
repetita Gen. viii. 15. 16. 17. ix. 1. atque exemplis  
Pharaonis & Aegyptiorum Gen. xii. Abime-  
lechi ac Philistinorum Gen. xx.*

**P**ergunt Theophilus & Athanasius Th. xxxvi. & xxxvii. prolixè narrare benedictionem divinam Noacho post diluvium ad propagationem generis humani redditam, *Crescite & multiplicamini* Gen. ix. 1. Ex qua ita argumentantur: *Quicunque se multiplicat ex omnibus viribus, a Deo homini concredit, ille ceteris paribus implet sanctissimam voluntatem Dei. Atqui polygamus. Ergo. Item, Quicunque magis se multiplicat & melius replet terram, (ceteris paribus, quod hic repetendum monet Athanasius p. 209.) Ille mandato Dei magis approximat. Atqui polygamus. Ergo.* Refutationem ipsi adjiciunt dicendo, *ceteris paribus, i.e. si hoc alibi non sit prohibitum.* Sed quia cætera paria non sunt, uti supra satis superque ex prima institutione demonstratum, hæc argumenta futilia sunt, nullius momenti, & meræ petitiones principii. Vid. Sect. 1. cap. 1. & cap. vii. Th. 1. 11. Athanasius Vinc. p. 205. asserere quidem non audet, Noachum ipsum fuisse polygamum, quia unica uxor cum eo arcum ingressa dicitur, sed a non reliquæ communī diluvio fuerint deletæ, tacente scriptura, se ignorare ait. Quæ suspicio nullo fundamento nititur.

II. Hoc tamen certum, vi hujus benedictionis, citra polygamiam, post diluvium ex octo hominibus, brevi temporis spatio, tot potuisse nati, quot urbi & turri Babylonicae extruendæ, regnis atque rebus publicis condendis sufficerent; quemadmodum videmus, intra paucos centenos annos ex uno Abrahamo tantam multitudinem Israelitarum derivari potuisse, quanta in Exodo & Numeris recensetur. Quia multitudo populi ejusque incrementum a Deo est, qui illud pollicetur Gen. xiii. 16. Cap. xv. 5. Lev. xxvi. 9. Deut. x. 22. Psal. cvi. 38. f. Heb. xi. 12. Hos. i. 10. miraculosa fuit multiplicatio sub Josaphato, duarum tribuum rege 2. Chron. xvi. 13. habuit enim electos ad militiam 1160000 præter praefidarios in urbibus munitis. Merum enim commentum est, nullo S. Scripturæ fundamento firmatum, quod nonnulli prodiderunt, benedictionem nempe a Deo datam esse Noacho, ut se multiplicaret, quinquagesimo de-

mum.

mum anno post diluvium. Quis enim credit, per 50 annos post diluvium homines non esse multiplicatos? Annis 250 e tribus Noachi filiis genus humanum ita multiplicatum fuit, ut solus Ninus, teste Diod. Sic. lib. III. c. II. contra Bactrianos eduxerit peditum decies septies centena millia & equitum ducenta millia.

III. Thesibus XXXVIII. XXXIX. & XLVII. ex historia Abrahami Theophilus polygamiam stabilire conatur, & primum quidem ex verbis Abrahami ad Saram Gen. XI. 8.9.10. & Pharaonis comm. 15. 16. Atque ex parallela historia Abimelechi Gen. XX. Ex quibus apparere ait, polygamiam simultaneam muliebrem etiam apud gentiles Ægyptios & Philistæos exosam & peccaminosam fuisse, sed polygamiam virilem usitatam & legibus conformem habitam. Ex qua historiæ modo argumentatur: *Quodcunque Pharaon, Abimelech, & similes gentes, quæ satis honeste & sobrie juxta legem naturæ vixerunt, pro peccato non habuerunt, illud non est peccatum contra legem naturæ, & cum illa conformem legem moralem. Atqui prædictæ gentes polygamiam pro peccato non habuerunt. Ergo. Et ulterius: Quodcunque prælatae sobria & cultiores gentes pro peccato habuerunt, illud merito pro tali habetur. Atqui multiviratum, seu polygamiam simultaneam muliebrem pro peccato habuerunt. Ergo.*

IV. Respondeo, utriusque syllogismi majorem non esse universaliter veram, cum Sect. II. cap. I. Th. XI. &c seq. & Cap. IV. toto ostensum sit, a gentibus non ubique observari regulam morum. Ita saepe uni quid indecorum est, quod alteri decorum, v. gr. Corporis totius nuditas inhonestæ est Europæis, honesta autem Indis; ebrietas apud Germanos, Venerea peccata apud Italos tanti non æstimator, quanti apud alios. Ipse Theophilus fatetur, raptum fœminarum solitarum apud gentes, præsertim Ægyptias & Græcas, non fuisse infrequentem, nec tantæ criminatio obnoxium. Furta omnia apud veteres Ægyptios fuisse licita & impunita, testatur A. Gellius I. XI. Cap. XVII. & Diodorus lib. I. fuisse apud Ægyptios legem de furibus per quam singulare in, qua sodalitum aliquod furum institutum, cuius quasi opificium erat furari, cui se quisque addicere poterat, & cui præfectus princeps publica auctoritate. Adeoque virtutes & vitia ex gentium ingenio & actionibus metienda non sunt, sed ex legis divinæ norma.

V. Hasce autem gentes quod attinet, quomodo illæ honeste, sobrie & congrue legi naturæ vixisse dici possunt, in quibus non erat

erat reverentia & timor Dei Gen. xii. 9. Cap. xx. ii. fatente ipso Athanasio Vinc. p. 222. sed iniquitas & libido dominabatur, in quam effusi erant vicini incolæ Sodomi & Gomorræ, nec non Aegyptii, teste Abarbenele in Legem f. 72. 1. Scortationem gentes pro peccato non habebant, ideoque conversæ in N. T. ab ea abstinere jubebantur Act. xv. 19. 20. 29. Ut ergo scortatio, raptus, cædes, quam Abraham etiam metuebat, & similia facinora minime erant licita, quod ab illis gentibus patrarentur, ita nec polygamia.

VI. Pergit argumentari Theophilus Th. XLVII. ex Gen. xx. Quicunque justus iudex in polygamo & adultero punit saltem adulterium presumtum, & quidem ex ignorantia, non autem absolutum; polygamiam vero diu exercitam & continuandam non punit, ille polygamiam non pro peccato, adulterium autem pro vero peccato habet. Alias non esset justus, si utraque essent peccata & non æque punirentur. Atqui Deus in adultero & polygamo Abimelecho punit tantum ex ignorantia premeditatum, nondum vero perfectum adulterium, polygamiam vero diu usitatam & continuandam non punit. Ergo. Sed illatio ista inanis est & inconsequens. Nam i. non desunt sapientissimo legislatori rationes, ob quas non omnia ubique puniat peccata, quæ tamen ideo non desinunt esse talia. David utique plura commisit peccata, quam illud cum Bathsheba & Uria, propter hoc tamen singulari modo reprehensus est & punitus a Deo. Et Abimelechum Deus forte non monuissest, sed sivisset eum Saram attingere & peccare, quemadmodum alias gentes sivit ire in viis suis, si Abrahamus, servus Dei, quem dilexit, huic negotio non fuisset implicitus.

VII. 2. Gravius peccatum in raptu & adulterio committi, quam in polygamia, nemo ignorat. Recte judicat R. Levi Barzel. leg. XXXV. צְדָקָה שֶׁבַע נִזְמָנָה בְּעֵינֵי שֶׁבַע quod adulterium ubi cum proximi uxore res habetur, sit species rapinae, & homicidia ex eo facile oriri, docet. Quæ etiam ratio est diversarum pœnarum Lev. xx. 10. & seq. & com. 17. 1q. 3. Unde probabit Theophilus, Abimelechum jam polygamum fuisse, & ob hanc polygamiam non punitum? regem dicit habuisse multas uxores, & ancillas, quarum ventres Deus occluserat. Moses autem tantum meminit וְאֶת נָשָׂא eis in singulari numero Gen. xx. 17. & ancillarum, quæ servis potuerunt esse nuptæ, more Hebræorum. Ego quidem præfracte negare nolo, Abimelechum polygamum fuisse, sed ex textu id clare demonstrari nequit.

VIII. Majori cum specie objici posset, quod Abimelech uxorem jam habens com. 17. & insuper Saram mulierem accipiens com. 2. 3. tamen ad justitiam suam & integritatem cordis provocarit com. 4. 5. quam Deus etiam approbat com. 6. Quod ergo alteram superinducere voluerit, id ex integritate cordis fecisse videtur? Respond. peccari paralogismo figuræ dictioñis, & a dicto secundum quid; justum & integrum vocari Abimelechum, non *αἰωνίος*, sed *natūrā* *u*, sicut gentes, quæ legis sunt, facere & hoc respectu excusabiles dicuntur Rom. 11. 14. 15. et si totam legem non observent, atque ita in totum excusari nequeant. Comparative justus potuit dici Abimelech, quatenus magis injustus & improbus fuisset, si Abrahamo uxorem rapuisse. Igitur integer erat, respectu illius adulterii & raptus. Ita Thamar justior erat Jehuda Gen. xxxviii. 26. quæ tamen justa non erat, quando se adulterio temeraverat. Et Habacuc vocat Judæos in Babyloniam deportatos populum justiorem Chaldaeos. Sane qui hoc modo justus, etiam improbus est, & non nisi ad alium comparatus justus; sicut exosa dicitur Lea, id est, minus amata Gen. xxix. 30. 31. Hoc ergo fecit Abimelech cum integritate cordis, quod nesciverit Saram fuisse marito junctam, Abrahami uxorem, adeoque vi alterius uxorem non rapuerit. Alia jam loca dictis affinia, brevitati studens, tacite prætermitto.

## C A P U T IV.

*'Exemplum Abrahami Gen. xvi. & sequentibus, non probat polygamiam.*

**E**X historia Abrahami magnum causæ suæ præsidium & patrocinium querunt polygamiæ defensores Theophilus & Ath. Vincentius, sed Arcuarius pag. 135. & seqq. varia exempla patriarcharum examinans, præterito Abrahamo, cum primis urget exemplum Davidis 2 Sam. xii. de quo nos suo loco. Libertatis nostræ memores, qua hactenus nostrorum confutavimus argumenta, primum expendemus Theses generales xlvi. xlvi. l. quibus patriarcharum exemplis probatum eunt polygamiam, deinde in specie exemplum Abrahami inde a Thesi xl. usque ad l. v. Etsi autem prolixus admodum sit Theophilus, omnia tamen argumenta,

quæ